



Prilikom pretresa pronađena opojna droga i veća količina oružja

05.01.2026.

Postupajući po depeši Policijske uprave Široki Brijeg te po usmenoj naredbi Općinskog suda u Širokom Brijegu , a s ciljem pronalaska predmeta koji potiču iz krivičnog djela „Teška krađa“ iz člana 287. stav 1. Krivičnog zakona F BiH, koje je pričinjeno na području Širokog Brijega, policijski službenici Policijske stanice Prozor-Rama, Odjeljenja kriminalističke policije PU Konjic i Odjeljenja kriminalističke policije PU Široki Brijeg, dana 4. januara 2026. godine, izvršili su pretres porodične kuće i pratećih objekata lica M. B. (1980.) Prozor-Rama.



Izvršenim pretresom pronađeni su i izuzeti sljedeći predmeti: tri manje PVC prozirne folije u kojima se nalazi bijela praškasta materija koja asocira na opojnu drogu Speed, jedna veća PVC kesica u kojoj se nalazi bijela praškasta materija koja asocira na opojnu drogu Speed, jedna siva metalna kutijica s natpisom „Spanish seeds“ u kojoj se nalazi bijela praškasta materija koja asocira na opojnu drogu Speed, jedna plastična slamčica dužine 6 cm, pet grumenova zeljaste materije koja asocira na opojnu drogu Marihuana, jedna manja PVC prozirna folija u kojoj se nalazi bijela praškasta materija koja asocira na opojnu drogu Speed, mobilni telefon, digitalna vaga, pištolj marke M57, cal. 7,62 mm s okvirom s pet pripadajućih metaka u crnoj platnenoj futrolji, mali platneni neser s tragovima zeljaste materije koja asocira na opojnu drogu Marihuanu, puška M48A sa dva metka cal. 7,9 × 57 mm, jedna manja PVC vrećica s bijelom praškastom materijom koja asocira na opojnu drogu Speed, metalna siva kutija u kojoj se nalazi neutvrđena količina zeljaste materije koja asocira na opojnu drogu Marihuanu, PVC prozirna vrećica u kojoj se nalazi neutvrđena količina zeljaste materije koja asocira na opojnu drogu Marihuanu, okvir za pušku s četiri komada malokalibarske municije, malokalibarska puška TORRO 22 s optikom i baterijom, zračna puška TYTAN bez serijskog broja s optičkim nišanom Theta Optics, digitalna vaga, sedam okvira za automatsku pušku AK-47, 72 komada metaka 7,62 × 39 mm, mala staklenka s 19 komada malokalibarskih metaka.



M. B. lišen je slobode zbog osnova sumnje da je pričinio krivična djela “Neovlaštena proizvodnja i stavljanje u promet opojnih droga” iz čl. 238 st. 1 KZ F BiH, “Nedozvoljeno držanje oružja i eksplozivnih materija” iz čl. 371 st. 1 i “Neovlaštena nabava, držanje ili prodaja oružja ili bitnih dijelova za oružje iz čl. 65 Zakona o oružju i municiji HNK.

Nad navedenim licem provedena je kriminalistička obrada, a dalje mjere i radnje preduzimaju se pod nadzorom postupajućeg tužioca Kantonalnog tužilaštva Mostar – Područni ured Konjic.

Ured komesara policije-Odsjek za odnose s javnošću

Za građanstvo

16.04.2025

Upute i preporuke za provođenje preventivnih mjera zaštite od požara u požarnoj sezoni 2025. godine

17.01.2024

Inspekcijski nadzor pravnih lica – područje zaštite ljudi i imovine

21.10.2014

Jedinstveni matični broj

Vijesti

05.01.2026

Prilikom pretresa pronađena opojna droga i veća količina oružja

05.01.2026

Izvod iz biltena dnevnih događaja za period od 31.12.2025. godine do 5.1.2026. godine

01.01.2026

Saopćenje o sigurnosnoj situaciji tokom dočeka Nove godine na području HNK

1073

ZAPOSLENA SLUŽBENIKA

3,165 km²

UKUPNA POVRŠINA

156

PATROLNIH VOZILA



Linkovi

O nama